



**Tertia Seraphica Vinea, Sive Tertius Ordo De Poenitentia  
à S.P.N. Francisco institutus**

**Pauck, Engelbert**

**Coloniae, 1720**

Num. 93. Indulgentiæ concessæ recitantibus Coronam de septem Gaudiis  
renovatæ ab Innocentio XI. & Indulgentia Stationis sanctissimi Sacramenti.

---

[urn:nbn:de:hbz:466:1-64103](#)

*205.* de die 10. Decemb. 1519. aliisque summorum Pontificum : de quibus fit mentio in præmemoratis litteris *Urbani VIII. In plenitudinem. Quas Sua Sanctitas Innocentius Papa XI. in præallegata Confirmatione de novo roboravit.* Ad eadem Bullaria , nec non ad librum Auctorum Archi-Confraternitatis Confallonis nos remittimus.

Quoad Gratias, Indulgentias, & Altaria privilegiata, quibus tam Chordigeri, quam alii cum ipsis Communicationem habentes, ut possunt vigore Brevis bonæ mem. *Gregorii XIV.* superius adducti, aliorumque summorum Pontificum : ex quorum concessiōnibus Tertiarii utriusque sexūs, intrā vel extra claustra moram trahentes ( qui tria essentialia vota Religionis non emittunt) frui possunt Indulgentiis relatis in Constitutione : *Dum præexcelsa. &c. à Leone X. sub die 19. Junii. 1515.* promulgatā, per eundem Pontificem in Brevi : *Dudum. &c. 10. Decemb. 1519.* ad eosdem extensis. Idēmque dicendum est de aliis similibus ex Decreto S. Congregationis Indulgentiis præposita, quo declaravit Personas solemnia Vota Religionis non emitentes, sive intrā, sive extra Claustra degentes minimè comprehendi in revocatione generali Indulgentiarum à Paulo V. sub die 23. Maij. 1606. in Brevi : *Romanus Pontifex. &c. præscriptā*, quam declarationem per Breve : *Alias &c. incipiens*, Apostolico labore munivit *Innocentius XI.* sub die 10. Octob. 1686. Vide Rubricas particulares Breviarii Franciscani. Num. 173.

**XCIII.** *R*ecitantibus Coronam de 7. Gaudiis B. M. Virginis, tam quolibet Sabbato, quam quotidie cum additione unius Pater noster, & Ave Maria pro summo Pontifice Leo X. in Brevi, incipiente, *Exponi. &c. 14. Septemb. 1517.* Et in alio Brevi : *Dum præexcelsa. &c. 19. Julii. 1515.*

& Paulus V. concederunt Indulgentias plenarias.

Quamvis enim Indulgentiam illam Paulus V. abrogasset ; tamen ipsemet eandem restituit priori valori ad instantiam P. Ludovici de S. Joanne Evangel. Commissarii Generalis Ultra-Montanae Familiae Fratrum Minorum de Observantia, ut videtur in Foliо impresso Romæ 1609. cuius authenticam copiam se tenere ait F. Angelus Auda à Lant. fol. 99. in libello de Tertio Ordine, sed & illam de novo concessit, & renovavit 15. Maji. 1688. *Innocentius XI.* in Brevi : *Exponi nobis. &c. relato C. 15.* ubi conceditur Fratribus Minoribus, Monialibus S. Claræ, Tertio Ordini de Pœnitentia, & Chordigeris Archi-Confraternitatis, Indulgentia plenaria, toties : quoties aliquis recitat Coronam B. M. Virginis. 7. Gaudiorum; quæ habuit: in die Annuntiationis, Visitationis S. Elisabeth, Nativitatis D. N. J. C. Adorationis Magorum, Inventionis in templo in medio Doctorum, Resurrectionis gloriolæ, Assumptionis ad Dexteram Verbi incarnati.

Alii ponunt septem Gaudia B. M. Virginis tenoris sequentis : Annuntiatio, Nativitas D. N. J. C. Adoratio Magorum, Inventio Pueri JESU in templo, Resurrectio D. N. J. C. Ascensio in Cælum, Missio Spiritus S. Indulgentia etiam Stationis Sanctissimi Sacramenti confirmata est à Pontifice Maximo, *Sanctissimo D. N. Innocentio XI.* in Brevi : *Universis. &c. sub die 30. Septemb. 1681.* ita, ut tam Fratres, quam Moniales, & Tertiarii utriusque Sexus, etiam in domibus suis viventes, visitantes Altare Sanctissimi Sacramenti, & recitantes sexies Pater noster. & Ave Maria, cum totidem Gloria Patri; secundum mentem & intentionem Summi Pontificis, consequntur Indulgentiam plenariam.

In Calendario Franciscano impresso

O 2 Ro-

Romæ, & approbato, pro anno 1717. additur: *Dommodo orent brachiis extensis.* Cū autem Summi Pontifices substantiam precum dicendarum, & non modum orandi extenderint; non videntur ex hoc fine irritæ Indulgentiæ futuræ, si dicta extensio brachiorum omittetur; aut, si preces præscriptæ legerentur absque brachiis extensis; præsertim, cū recentiores Pontifices de ista brachiorum extensione mentionem non faciant. Nihilominus homines rudes & simpliciores relinquendi sunt in sua simplicitate.

## C A P U T   XXII.

De Communicatione Privilegiorum,  
Gratiarum, & Indulgentiarum Tri-  
um Ordinum S. P. Francisci,  
& Tertiariorum in Sæculo  
viventium.

**XCIV.** *Sicutus IV.* Summus Pontifex ad perpetuam rei memoriam edidit Bullam quæ incipit: *Regimini Universalis Ecclesiæ,* & habetur ad extensem in monumentis Ordinum. Parte 1. fol. 139. data Romæ apud S. Petrum, anno Incarnationis Domini 1474. Pridie Kalendas Sept. Pontificatus sui anno 4to. Ex qua conscribo Clauſulam concernentem. Nos igitur; qui dicti Ordinis Fratrum Minorum (in quo Generalis Ministri fungemur officio, dum ad Cardinalatus honorem assumpti fuimus) Personarum ejus Statum prosperum, & tranquillum propter uberes fructus, quos Ordo ipse (multâ refulgens gloriâ meritorum, & gratiâ redolens sanctitatis, in agro Ecclesiæ militantis, in propagatione Religionis & Fidei Orthodoxæ hactenus produxit utiliter & producit, ac in futurum etiam productum spe firmâ tenemus; palmites suos à mari usque ad mare & etiam ad barbaras extendens nationes. &c. intensis desideramus effectibus; *Clementis, & Eugenii prædicto-*

rum, ac aliorum Prædecessorum nostrorum [qui Ordinem prædictum Fratrum Minorum aliis variis privilegiis non immerito decorârunt] vestigiis inhærentes: motu proprio, non ad eorundem dicti Ordinis Fratrum Minorum, vel alterius [pro eis] nobis super hoc oblatæ petitionis instantiam; sed de nostra mera voluntate & deliberatione, & ex certa nostra scientia, prædictas *Clementis;* & alias quorumcunque Romanorum Pontificum Prædecessorum nostrorum litteras dicto Ordini Fratrum Minorum, & illius dominibus in generé, sub quacunque verborum forma concessas, quas, ac si de verbo ad verbum unâ cum prædictis literis, Eugenii Prædecessoris præfati, præsentibus insertâ forent, volumus pro expressis; ac omnia, & singula in illis contenta, Auctoritate Apostolicâ, tenore præsentium approbamus, & tamen perpetuæ firmitatis obtinere debere decernimus; ac pro potiori cautela, omnia & Singula per *Clementem & Eugenium* aliósque Prædecessores prædictos, in eisdem literis in favorem dicti Ordinis Fratrum Minorum, quomodolibet ordinata, statuta, ac decreta, concessa, ac indulta fieri, ac servari debere; Authoritate, motu, & scientiâ prædictorum de novo ordinamus, statuimus, atque decernimus, & eidem Ordini Minorum, illiisque Domibus concedimus & indulgemus.

**XCV.** *Sicutus IV.* in alia Bulla quæ incipit: *Sacri Prædicatorum & Minorum Fratrum Ordines.* Data Romæ apud S. Petrum Anno Incarnationis Dominicæ 1479. 7timo Kalendas Augusti Pontificatus sui anno 8vo. Et habetur in iisdem monumentis Ordinum. Ubi fol. 148. inserit hanc clauſulam. *Motu & scientiâ propriâ* statuimus, ut Monasteria, Loca Ordinis S. Clarae, eorumque Abbatissæ, Priorissæ, Procuratores Syndici, oblati, sub cura Ordinis Fratrum